

203.10.297
41
20-11-11

鹽
豐
縣
志
首
卷

首
卷
序
凡
姓
目
文
例
氏
錄

鹽 豐 縣 志

鹽豐縣志叙

志書所貴詳覈而已其體例之分正不必拘牽古法古之所無今則增之教育實業是也古之所詳今則略之分野祥異是也古之陋者今則考而精之輿圖是也古之貴者今則敝而刪之選舉是也他如列女忠義宜乎表章而但著姓氏不悉事實徒見臚列無從景仰此又沿班范而失其真亦非可爲萬世法者余嘗論地方行政雜然多端而究其源始無非教育實業施教育則學校興學校興則人才蔚然起矣辦實業則百工暢百工暢則利源豁然闢矣故著一方之志宜詳其教育實業之沿革而佐之以政治輿圖氣候物產藝文諸端斯可矣顧今之修志者往往以誇飾爲長諱

鹽豐縣志

首卷

序文

雲南開智公司代印

事實尙文藻遂使一方之志書類任官之專集此劉知幾所以痛恨於魏伯起諸人而闢之不遺餘力也郭君燮熙治鹽豐有年於公餘徵訪文獻考查案牘遂著新志十二卷鹽豐在漢爲青蛉屬越嶲拓邊以來早著產鹽之名鹽民食也實業之要端也民國初因白鹽井之地拓之爲縣名以鹽豐而鹽政專司因其舊有是官司其守利民裕國有其地而有人郭君志之得勿宜乎志成請叙於余余覽之喜其秩然有序斟酌今於星野怪異則刪之於學校物產則著之斯皆異乎抄撮簿記而得乎體要者藝文一志篇帙居全志什之三四雖選錄稍泛然藉此以徵一縣文獻毋甯過而存之爰綴斯論冠諸簡首冀後之修志者有所取法焉



大中華民國十年三月三日劍川周鐘嶽叙

鹽豐縣志

首卷

序文

二

雲南開智公司代印

鹽豐縣志序

昔師荔扉爲望江令合生平聞見蒐集滇中事類爲滇繫一書姚姬傳至以班叔皮相媲美謂其任皆縣長令並非史職而特具一代良史之通才蓋上下古今有足以交相引重者矣若夫今世之爲縣長令者往往文采不足以耀無窮道德不足以繼述作居官治事時苦其竭蹶志且不問違言乎修間有聰明才智之士亦知地志乃一縣輿圖物產所關政教風俗所繫爲經理地方者萬不可少之事挈綱提領從事修輯而或萃集士紳分門考訂寸長尺短各不相謀不失之蕪雜無文即失之瑕瑜不掩此近世賢長令所尤難能可貴者焉雖然郭君燮熙非卽近世之賢長令乎郭君

鹽豐縣志

序卷

序文

雲南開智公司代印

出宰鹽豐之明年因邑人請遂以吏事之暇蒐羅故實考訂詳略改并志之舊觀標縣志之新義補綴刪削裒然成帙都爲鹽豐縣志十二卷凡八閱月而告竣中更謗傷愁苦以被吏議終不忍以九仞之功虧於一簣仍日手丹鉛力圖歲事以爲一方福裴松之謂畜德之厚在於多識往行諒哉雖統觀全志於政治門移載人口門之教育選舉志又附見中學以上之畢業生學校未分門詳載視康對山武功志併學校於建置其取例似稍嫌簡略然亦小疵之難掩大醇耳至列鹽法爲專編併物產於一門秩官詳載其題名人物引申其義烈祥異概從刪除地輿詳爲勘繪藝文崇尙體要皆以賢吏之心思秉史家之特筆斟酌古今用心關切而

成者其足以備一邑之文獻而資將來之考鏡也豈曰小補之哉
姚姬傳以班叔皮媿美師荔扉吾謂燮熙之於荔扉亦具而微
者也苟粹精造詣吾又烏能測其所至哉

時民國十一年歲次壬戌仲秋上浣昆明吳 琨序

鹽豐縣志 首卷

序文

二

雲南開智公司代印

鹽豐縣志叙

邑之有志猶國之有史也吾謂時至今日修志之難倍難於修史何也修史者規模大經費充人才衆而其取材也恒採取各地方志乘爲藍本第披沙揀金輯而成書已燦然其美備若修志則反是已屬難能矧文化所趨無新知識則恒乏世界眼光無舊根柢則不諳史家義例必欲兼此數長以求之今日斯亦憂憂乎其難矣鎮南郭君理初弱冠登賢書才華夙擅著作等身出國丁巳出宰鹽豐公餘之暇不廢鉛槧時創修省志飭各地方調查細目資料邑之人士殷然以主修縣志爲請而邑孝廉張君澤生復以名山著述堪垂不朽之言來相勸勉郭君於是見獵心喜銳以主修

鹽豐縣志

首卷

序文

雲南開智公司代印

自任凡七閱月日屬稿千餘乃全書尙待殺青而郭君遽遭謗去位功敗垂成勢將不果無何而華昌繼承其乏修志員紳僉以功虧一簣是懼堅求卒業郭君乃復賈其餘勇更歷一月而全書告成茲者繕寫成帙例由華昌備文呈核將付手民並以序言屬之華昌用冠篇首自維學識荒陋弗善傳記家言以不敏辭大非諸君子所以屬華昌之意尤失華昌欽仰之忱爰取全書而披讀之見其體例精詳詞華豐贍其紀事也有漢魏之宗風其駢句也得六朝之逸趣而有時撫景流連則更遄飛逸興發爲詩歌長言詠歎洵乎麟經熟習踵編年紀月之成規狐筆標題極考獻徵文之能事在華昌得同寅之誼而郭君適成令甲之編聊綴數言一

以誌景仰之忱一以爲地方之幸云爾若以工拙論是不啻佛頭
著糞而糠粃在前大雅貽譏必不免矣是爲序

昔中華民國九年季秋月上浣
鹽豐縣事安平王華昌識於
官廨之西窗

鹽豐縣志敘

自漢唐開闢白鹽井以訖前清之末葉凡修白井志乘者三次一雍正八年提舉劉元臣邦瑞創修白鹽井志四卷一乾隆二十三年提舉郭省初存莊重修白鹽井志八卷又提舉王心言子音井志補一卷一光緒二十四年至三十一年提舉李蓋臣訓鉉文性泉源先後共成績修白鹽井志十一卷由二千載而下在三百年之間考獻徵文遞相纂述其於白井一區之掌故不既摛摭無遺也乎雖然此白鹽井志而非鹽豐縣志也鹽豐之設縣也始於民國元年蓋割姚安之又北與大姚之偏西地以成之夫既成爲縣治矣則土地之增益者幾何里人民之加多者若干戶以及錢糧

鹽豐縣志

首卷

序文

雲南開智公司代印

正課稅款雜捐分撥若何征收又若何推之教育實業警察團保凡屬政事之應興應革者何以跡既往策將來縣志之修夫豈容已矧復國家多故鹽政改章積弊雖除而大利與之俱盡竈情漸困而官治亦復爲難場與縣即分而究勿庸歧視也民國六年秋癸熙來知縣事明年政事稍稍舉邦人士僉以新修縣志請主筆爲言則應之曰茲事體大以癸熙之荒陋夫安敢承又明年適省公署因雲南學會有徵集省地志資料之舉通令各縣尅期呈報於是邦人士復以答復省志新修縣志同時並舉爲言自分纂修縣志固縣知事應知之事夫又安可辭輒將調查之資料敘述報訖乃繼之以修志然而有難焉者往者保山吳楚生太史跋續修

白鹽井志盛稱會稽章實齋所修郡邑志罔不詳略得宜而要以簡雅爲宗壹似譏井志之蕪雜者然嘗攷仁和龔定盦論修志義法謂郡縣志以儲他日之史宜繁不宜簡乃中律令之二說者將誰適從抑又聞雲南學會擬著省地志之主旨略於古而詳於今顧邦人士則言在一縣之志今固宜詳而古究不可畧之二說者更何以折衷是故居今日而言修志假令純依舊體例時爲泥古或純依新體例則曰趨時用是斟酌於古今之際繁簡之間草就大綱十二條子目百三條先與邦人士共同討論次則分別採訪然後由變熙主任編輯皆有以合之離之益之損之又泚筆而潤色之大約沿襲舊志者十之六發揮新義者十之四蓋自九年一

鹽豐縣志

首卷

序文

二

雲南開智公司代印

月起每於公暇日必屬稿千餘言或數百言不等八閱月而始成書當其未著手也曾致函張澤生孝廉有所商榷而澤生復書猥以名山著述儒吏風流相期許平生賦性雅好勤且對於縣志之修亦既強勉擔任矣故蘄精心以結撰壹志以進行此數月間仕與學則交盡苦與甘其備嘗然亦僅可爲知言者道也日者布燮堂明經又言昔郭提舉重修白井志留傳到今士林稱述今君姓字與郭提舉同而縣志適成於君之手彼蒼蒼者壹若巧爲安置焉變熙竊以此言有近於附會惟自漢唐以訖今日白井之設縣治甫經九載而鹽豐縣志已獲觀厥成可知天下事特患無人肯爲耳如其爲之何事不理豈獨一志乘已哉今訂是書都十二卷

甫脫稿會因案解職邦人士仍以歲事請然燮熙甚汗顏矣姑志
顛末敘諸集端

大中華民國九年八月八日知鹽豐縣事鎮南郭燮熙理初氏書
於縣署之近思閣

鹽豐縣志

首卷

序文

三

雲南開智公司代印

鹽豐縣志叙

鎮南郭君燮熙治鹽豐之明年獄訟稀簡盜賊衰止邑人士議修縣志推君主辦歷時八閱月成書十二卷郭君可謂敏於史者矣予嘗聞古人之爲史有以書局自隨歷數任而告成者有父子相承經數傳而載事者有頭白可期而汗青無日者有藏之名山以俟後人者爲之其難且久也如此方志亦史也寬以累年猶思不逮今郭君左案牘而右圖史口聽斷而心結撰涉筆於簿領期會之隙收功於新舊交替之衝可不謂之敏也乎鹽豐自有明以來甲科相屬冠蓋相望仕礪於廉隅士趨於樸學丈夫勇於疆場女子貞於閭里聲名文物駸駸敵中原大縣迺數十年間志乘闕略

鹽豐縣志

叙

一

雲南開智公司代印

文獻無徵宜邦人君子引以爲深恥而郭君所以感慨發憤藜託謗而不少沮者矣予於史事無能爲役而邑孝廉張君之霖以書抵里人謂式銘司離茲土例得列名簡末屬爲叙以申之予嘗披覽志稿歎爲詳贍私亦欲有所論列以迫於剗刷卒未一陳固陋僅述其大略以復之張君並以質之郭君二君皆與予交而郭君嘗共事光復志稿漸劇之日爲久斯志之成惜未得與君往復辨論發皇而光大之矣

民國十三年正月署白井場知事劍川趙式銘撰

鹽豐縣志序

郭君燮熙知縣事時於交卸間前後八閱月手編鹽豐縣志書一十二卷越二年予承乏茲邑又年餘邑人士携其所印出之首卷趨作序言序披覽一通見其綱舉目張有條不紊儼成一縣志乘縱謂節細容有待於求精而大體可觀不類拘文牽義者之所爲郭君殆知務乎夫縣不可無志鹽豐爲新設之縣一切規模正賴擴張尤不可無志願志之體例不一自古及今聚訟紛滋有以簡爲是者有以詳爲是者必斟酌於不簡不詳或當簡當詳之間卽不免多費參稽多費審問寬以累年時移勢殊猶未着手者高談著作家務矜其難究未必盡如人意有全美而無一憾耳孟子曰

鹽豐縣志

序

雲南開智公司代印

盡信書則不如無書郭君蓋竊取此義隨其興之所及主義不鄰於苛用能於最短期間成最盛之典冊微特見解活潑並勤敏之處亦良足多者不日此書出版得於新設縣中占重要位置俾徵文考獻時於一人一事一物之原委皆有藉鏡而愈明其造益於地方也何暨較之搜殘訪缺多年守黑無日殺青者不旣得乎予與郭君素未深交於其志書亦未獲窺其全豹茲但喜其趨事之勇成功之速從其可者可之也後有達人欲因革損益於其間餘地甚寬當無難更進一乘矣

靖國聯軍總司令部諮謀官滇中鎮守使署軍法官署鹽豐縣知

事會澤李 珉撰

鹽豐縣志序

己未秋郭理初縣長厲書言奉

上峯檄將修省志徵各邑志及鹽豐者縣人士翕然以乘間修輯縣志爲詞屬予分任協修時予方協理富滇銀行筆硯久荒且於掌故素疏惟事關宗邦文獻責有不容旁卸者乃復書收促並舉章氏實齋論修志之十議十弊以與在事諸君子相切商議遂定由是開局郭公非特熟於掌故而意興極濃寢饋其中日作數千百言不倦未朞年而告成省長劍川周惺甫先生爲之序謂可作縣志模範蓋示褒也辛酉夏予遭母喪讀禮之餘閱是書再週喟然曰吾縣小邑也而舊志所載文學以事農田水利與夫忠孝節

鹽豐縣志

首卷

序文

雲南開智公司代印

義之屬莫不燦然可觀咸同以前科名之盛遐駁乎頡頏大都蓋鹽賦輿區土沃而俗厚也迄今山川如故人物繁茂而文化政治人心風俗皆有今不古若之慨且生計之窮蹙更儻焉不可終日豈運會之適然歟抑人事之有未盡歟語曰前事之不忘後事之師也故古者以史爲鑑一縣之志一縣之鑑也人物妍蚩對鏡而明郭公宰是邦求治之殷與吾輩愛鄉之念正復相同方將引歐美文化灌輸此彈丸之地豈必惟古之是求顧借鑑於遠人容有柄鑿方圓之慮而數家珍於屋內自不勝高曾渠燧之思是書之成蓋吾舊鑑之復明也邦人君子苟能時舉文學政事農田水利以及人心風俗一一對照比其美惡以資取舍於以光前烈而啓

新機焉是則郭公編輯之盛心亦卽予贊襄之微意也是爲序
壬戌秋七月邑人張之霖澤生甫識於省垣廡廬

鹽豐縣志

首卷

序文

二

雲南開智公司代印

鹽豐縣志凡例

一舊志首天文志此昉於前代史家體例厥後各直省志各郡邑志如之但中國昔言天文學與今西學異所謂星野未必精確故雲南學會今新著省地志細目已刪去此綱本編亦不沿襲舊志之空言仍復闕入

一舊志以氣候列天文志省地志又以氣候專列爲一目若與地理不相麗者然顧言氣候之寒暖僅數行文字足以盡之本編準省地志新例首列全縣輿圖又以次詳載至名山大川而仍命名爲地理志即將氣候一目附之篇末

一省地志有政治一目如行政軍政司法警察鹽政等官署及

鹽豐縣志

首卷

凡例

一

雲南開智公司代印

教育實業財政國防各機關凡名稱所在地主任姓名咸用表填列今準其例立政治志一門如舊志所載食貨志之課程與省志所載人口門之教育均移載焉至井鹽一項紀載加詳蓋鹽豐本因井設縣對於鹽政尤應注意也

一省地志又有地方志一目本編亦準其例就所列子目歷歷備載並將列於人口門與列於交通門者依類以增入故合觀之則等集腋之成裘而分言之非同削趾以適屨因各類之性質原有屬於地方云爾

一省地志綱目以天產產業歧而二之夫天產與人造可分亦可合本編故併爲一門而命名曰物產志其在舊志物產僅

屬食貨之一門但食貨志各條目雖仿之明史而將戶口力役屬雜於其中似覺費解今世界大勢趨重實業自非提倡不辦故本編之所謂物產與舊志迥殊

一祠祀武備二志今仍舊編輯而不無損益予奪之處從來國之大事在祀與戎鹽豐日神降石羊特增祭典賊來張虎早啓兵端恒踵事以增華復臨機而應變此紀載所以均詳也至如古蹟一志並依新例兼採舊聞如鄒中丞之摩崖陳中丞之流寓更爲詩歌以發揚之庶幾同有千秋也已

一志書例有秩官志用紀歷代之官制職官之題名與夫名宦循吏之如麟角鳳毛固史家義例也茲案省地志細目僅志

鹽豐縣志

首卷

凡例

一

雲南開智公司代印

現在之官制略於古而詳於今略之誠是也惟一縣之志若不表賢良於已往無以昭鼓勵於將來而且官制變更應詳沿革故本編仍志秩官焉

一志書又例有選舉志今雖科舉久罷人才自學校出身彼前代之翰林進士舉人五貢固已等於僵石矣然詳諸志乘可以覘一縣學術之升降與人才之盛衰故本編仍分類紀載如在中學以上畢業者輒書之以相接續其他如晚清末葉及民國紀元以來凡被選之代議士亟應大書特書用符名實此選舉志之不容或廢也

一省地志於人口下分人物一目人物又分卓行政績文學武